

(Կազմված է 30.10.2014թ. և
բաղկացած 11 թերթից)

Տպագրված է ընդամենը 3 օրինակ
Օրինակ 1

ՀԱՍՏԱՏՎԱԾ Է

«ՍԻԹԻ ՕՖ ՍՄԱՅԼ» բարեգործական
հիմնադրամի հիմնադիրների
30.10.2014թ. որոշմամբ:

Հիմնադիրներ՝

Ա.Զ. Սամվել Դանելյան
Դ.Կ. Դավիթ Զոհրաբյան
Գ.Լ. Գևորգ Թամամյան
Ա.Մ. Արմեն Ավագյան
Ե.Վ. Լիանա Սաֆարյան
Ս.Ս. Սիլվա Սարգսյան
Լ.Լ. Լուսինե Հակոբյան
Ո.Ո. Սատղիկ Ոսկանյան
Լ.Լ. Լիլիթ Հարությունյան

ԳՐԱՆՑՎԱԾ Է

Հայաստանի Հանրապետության
Իրավաբանական անձանց պետական
ռեգիստրի գործակալության կողմից

«03» 12 2014թ.

գրանցման թիվ 222.160.837674

վկայական 034987674

հարկ վճարողի հաշվառման համար

00464744

պետական ռեգիստրի ղեկավար



**«ՍԻԹԻ ՕՖ ՍՄԱՅԼ» ԲԱՐԵԳՈՐԾԱԿԱՆ
ՀԻՄՆԱԴՐԱՄԻ ԿԱՆՈՆԱԴՐՈՒԹՅՈՒՆ**

1. ԸՆԴՀԱՆՈՒՐ ԴՐՈՒՅԹՆԵՐ

1.1. «ՍԻԹԻ ՕՖ ՍՄԱՅԼ» բարեգործական հիմնադրամը (այսուհետ՝ Հիմնադրամ) իր հիմնադիրների կամավոր գույքային վճարների հիման վրա ստեղծված և անդամություն չունեցող ոչ առևտրային կազմակերպություն է, որը հետապնդում է առողջապահական, բարեգործական և այլ հանրագույտ նպատակներ: Հիմնադրամը հիմնադրվել է 2014թ. հոկտեմբերի 30-ին հիմնադիրների որոշմամբ և գործում է Հայաստանի Հանրապետության Սահմանադրության, Հայաստանի Հանրապետության քաղաքացիական օրենսգրքի (այսուհետ՝ Օրենսգիրք), «Հիմնադրամների մասին» Հայաստանի Հանրապետության օրենքի (այսուհետ՝ օրենք), այլ իրավական ակտերի համաձայն և սույն կանոնադրության հիման վրա:

1.2. Հիմնադրամի անվանումն է՝

հայերեն լրիվ՝ «ՍԻԹԻ ՕՖ ՍՄԱՅԼ» ԲԱՐԵԳՈՐԾԱԿԱՆ ՀԻՄՆԱԴՐԱՄ

ռուսերեն լրիվ՝ БЛАГОТВОРИТЕЛЬНЫЙ ФОНД „СИТИ ОФ СМАЙЛ,,

անգլերեն լրիվ՝ „CITY OF SMILE,, CHARITABLE FOUNDATION

1.3. Հիմնադրամի գտնվելու վայրը (փոստային հասցեն) է՝

0075, Հայաստանի Հանրապետություն, քաղաք Երևան, Մուրացան 114:

1.4. Հիմնադրամի հիմնադիրներն են՝

Սամվել Դանելյանը (ՀՀ քաղաքացի, անձնագիր AK 0540099, տրվել է 25.06.2010թ., 010-ի կողմից, հաշվառման հասցեն՝ ՀՀ, ք. Երևան, Նորք-Մարաշ, Նորքի 9-րդ փողոց, տուն 18).

Դավիթ Գևորգի Զոհրաբյանը (ՀՀ քաղաքացի, անձնագիր AN 0439691, տրվել է 13.04.2013թ., 001-ի կողմից, հաշվառման հասցեն՝ ՀՀ, Լոռու մարզ, ք. Վանաձոր, Տերյան փողոց, շենք 4, բն. 32).

Գևորգ Նաիրիի Թամամյանը (ՀՀ քաղաքացի, անձնագիր BA 1040042, տրվել է 15.05.2014թ., 001-ի կողմից, հաշվառման հասցեն՝ ՀՀ, ք. Երևան, Սունդուկյան փողոց, շենք 27, բն. 11).

Արմեն Տիգրանի Ավագյանը (ՀՀ քաղաքացի, անձնագիր AE 0511633, տրվել է 12.04.2000թ., 005-ի կողմից, հաշվառման հասցեն՝ ՀՀ, ք. Երևան, Նորքի 9-րդ զանգված, շենք 22, բն. 30).

Լիանա Լեոնիդի Սաֆարյանը (ՀՀ քաղաքացի, անձնագիր AK 0364470, տրվել է 15.08.2009թ., 026-ի կողմից, հաշվառման հասցեն՝ ՀՀ, Արարատի մարզ, ք. Արարատ, Իսահակյան փողոց, շենք 22, բն. 6).

Լիլիթ Ռադիկի Սարգսյանը (ՀՀ քաղաքացի, անձնագիր AM 0299554, տրվել է 13.05.2011թ., 006-ի կողմից, հաշվառման հասցեն՝ ք. Երևան, Ավան, Սայաթ-Նովա փողոց, շենք 1/4, բն. 27).

Լուսինե Սլավիկի Հակոբյանը (ՀՀ քաղաքացի, անձնագիր AM 0880645, տրվել է 25.09.2012թ., 012-ի կողմից, հաշվառման հասցեն՝ ՀՀ, ք. Երևան, Բաշինջաղյան փողոց, շենք 182, բն. 19).

Աստղիկ Ալեքսեյի Ռսկանյանը (ՀՀ քաղաքացի, անձնագիր AM 0278814, տրվել է 27.04.2011թ., 005-ի կողմից, հաշվառման հասցեն՝ ՀՀ, ք. Երևան, Դ. Մալյան փողոց, շենք 2, բն. 23).

Լիլիթ Արմենի Հարությունյանը (ՀՀ քաղաքացի, նույնականացման քարտ 004877916, տրվել է 08.08.2014թ., 004-ի կողմից, սոցիալական քարտ թիվ 7911870357, հաշվառման հասցեն՝ ք. Երևան, Երզնկյան փողոց, շենք 4, բն. 38).

1.5. Հիմնադրամի շահառուներն են Հայաստանի Հանրապետությունում և օտարերկրյա պետություններում բնակվող բոլոր ֆիզիկական անձինք:

1.6. Հիմնադիրները պատասխանատվություն չեն կրում իրենց ստեղծած Հիմնադրամի պարտավորությունների համար: Հիմնադրամը պատասխանատվություն չի կրում իր հիմնադիրների պարտավորությունների համար:

1.7. Հիմնադրամի պաշտոնական լեզուն է հայերենը:

1.8. Հիմնադրամը պարտավոր է յուրաքանչյուր տարի հաշվետու տարվան հաջորդող մարտի 25-ից ոչ ուշ <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում հաշվետվություն հրապարակել իր գործունեության մասին:

1.9. Հիմնադրամն իրավաբանական անձ է և ստեղծված է համարվում օրենքով սահմանված կարգով պետական գրանցման պահից: Հիմնադրամը կարող է ունենալ իր անվանմամբ կլոր կնիք (հայերեն, ռուսերեն և անգլերեն գրառումներով), դրոշմներ և ձևաթղթեր, ինչպես նաև օրենքով սահմանված կարգով գրանցված ապրանքային, առևտրային և այլ նշաններ ու անհատականացնող այլ միջոցներ:

Հիմնադրամն ունի խորհրդանիշ, որի պատկերն իրենից ներկայացնում է կարմիր գույնով անգլերեն տառերով գրված Հիմնադրամի անվանումը:

Հիմնադրամն իրավունք ունի օրենքով սահմանված կարգով բացել բանկային հաշիվներ Հայաստանի Հանրապետության և օտարերկրյա պետությունների բանկերում՝ Հայաստանի Հանրապետության դրամով և (կամ) արտարժույթով:

1.10. Հիմնադրամն ինքնուրույն է որոշում իր գործունեության ռազմավարական ծրագրերը:

1.11. Հիմնադրամը, որպես սեփականություն, ունի առանձնացված գույք և իր պարտավորությունների համար պատասխանատու է այդ գույքով, կարող է իր անունից կնքել պայմանագրեր, ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

1.12. Հիմնադրամի սկզբնական միջոցներն են հիմնադիրների կողմից հիմնադրամի ստեղծման պահին փոխանցված նյութական և /կամ/ ֆինանսական միջոցները:

1.13. Հիմնադիրների կողմից հիմնադրամին հանձնված գույքը հիմնադրամի սեփականությունն է: Հիմնադրամն այդ գույքն օգտագործում է իր կանոնադրությամբ սահմանված նպատակով:

1.14. Հիմնադրամի սեփականությունը չի կարող օգտագործվել ի շահ իր հիմնադիրների, հիմնադրամի մարմինների անդամների, ինչպես նաև Հիմնադրամի աշխատողների, բացառությամբ աշխատողների աշխատավարձի և Հիմնադրամի մարմինների անդամների պարտականությունների կատարմամբ պայմանավորված՝ փոխհատուցման ենթակա ծախսերի, ինչպես նաև այն դեպքերի, երբ հիմնադրամի հիմնադիրները, հիմնադրամի մարմինների անդամները, ինչպես նաև հիմնադրամի աշխատողները հանդիսանում են կանոնադրությամբ նախատեսված շահառուներ:

1.15. Հիմնադրամը իր կանոնադրությամբ համապատասխան, սեփականատիրոջ իրավունքով, իրականացնում է իր ունեցվածքի տնօրինումը, օգտագործումը և տիրապետումը:

1.16. Հիմնադրամը իր պարտավորություններով պատասխանատվություն է կրում այն գույքով, որի վրա օրենքով կարող է բռնագանձում տարածվել:

1.17. Հայաստանի Հանրապետությունը և համայնքները պատասխանատվություն չեն կրում Հիմնադրամի պարտավորությունների համար:

Հիմնադրամը պատասխանատվություն չի կրում Հայաստանի Հանրապետության և համայնքների պարտավորությունների համար:

1.18. Հիմնադրամի իրավունքները կարող են սահմանափակվել միայն օրենքով նախատեսված դեպքերում և օրենքով սահմանված կարգով:

1.19. Հիմնադրամի գործունեության ժամկետը՝ անժամկետ:

1.20. Հիմնադրամն ունի օրենքով չարգելված բոլոր եղանակներով իր քաղաքացիական իրավունքների ինքնապաշտպանության իրավունք:

2. ՀԻՄՆԱԴՐԱՄԻ ՆՊԱՏԱԿՆԵՐԸ ԵՎ ԽՆԴԻՐՆԵՐԸ

2.1. Հիմնադրամի հիմնական նպատակն է՝

- բաղցկեղով հիվանդների համար ժամանակակից և անվճար բուժօգնության ապահովումը Հայաստանում:

2.2. Հիմնադրամի խնդիրները համապատասխանում են հիմնադրամի հիմնական նպատակին:

2.3. Իր ստեղծման և գրանցման պահից Հիմնադրամն անձամբ ձեռնարկատիրական գործունեությամբ չի զբաղվում: Հետագա գործունեության ընթացքում Հիմնադրամը անձամբ կարող է իրականացնել օրենքով չարգելված, միայն իր կանոնադրությամբ սահմանված ցանկացած տնտեսական գործունեություն: Հիմնադրամը կարող է զբաղվել ձեռնարկատիրական գործունեությամբ միայն այն դեպքում, երբ դա ծառայում է այն նպատակների իրականացմանը, որոնց համար ստեղծվել է Հիմնադրամը և համապատասխանում է այդ նպատակներին:

Օրենքով սահմանված գործունեության առանձին տեսակներով Հիմնադրամը կարող է զբաղվել միայն լիցենզիայի առկայության դեպքում՝ լիցենզիա ստանալու պահից կամ նրանում նշված ժամկետում: Եթե լիցենզիայի հատկացման պայմաններում նախատեսված է, որ Հիմնադրամը բացի լիցենզավորվող գործունեությունից այլ գործունեությամբ զբաղվել չի կարող, կամ սահմանափակումներ են դրվում գործունեության առանձին տեսակներով զբաղվելու վրա, ապա Հիմնադրամը լիցենզիայի գործողության ժամկետում իրավունք չունի զբաղվել այլ գործունեությամբ, բացառությամբ լիցենզիայով նախատեսվածների կամ այն գործունեություններով, որոնց մասին նշված է լիցենզիայի մեջ:

2.4. Իր առջև դրված նպատակների արդյունավետ կատարումն ապահովելու համար Հիմնադրամը՝

- բարեգործական հիմունքներով ներգրավում է միջոցներ իր կանոնադրական նպատակների իրականացման համար.
- շահագրգիռ հիմնարկների և կազմակերպությունների միջև կազմակերպում է գիտական փոխանակություններ.
- համագործակցում է Հայաստանի Հանրապետության և արտերկրի հասարակական կազմակերպությունների և հիմնադրամների հետ.
- կանոնադրական նպատակներն իրականացնելու համար իրականացնում է այլ միջոցառումներ:

3. ՀԻՄՆԱԴՐԱՄԻ ԵՎ ԱՅԼ ԱՆՁԱՆՑ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

3.1. Հիմնադրամն իր կանոնադրության նպատակներին համապատասխան իրավունք ունի՝

- 1) անարգել տարածել տեղեկություններ իր գործունեության մասին.
- 2) հիմնադրել մամուլի և զանգվածային լրատվության այլ միջոցներ.
- 3) պետական և տեղական ինքնակառավարման մարմիններից օրենքով սահմանված կարգով ստանալ տեղեկություններ, որոնք անհրաժեշտ են իր կանոնադրական նպատակներն իրականացնելու համար.
- 4) ստեղծել առանձնացված ստորաբաժանումներ (մասնաճյուղեր, ներկայացուցչություններ) և հիմնարկներ.
- 5) ստեղծել տնտեսական ընկերություններ կամ լինել նրանց մասնակից.
- 6) կնքել օրենսդրությամբ չարգելված պայմանագրեր և գործարքներ.
- 7) օրենքով սահմանված կարգով ձեռք բերել, ստանալ, վարձակալել կամ այլ պայմաններով, այդ թվում նաև անվճար օգտագործել անշարժ գույք, հիմնական միջոցներ, օրենքով չարգելված այլ գույք.

8) օտարել կամ վարձակալության և անվճար օգտագործման հանձնել Հիմնադրամին պատկանող ցանկացած շարժական և անշարժ գույք:

9) ինքնուրույն կազմավորել իր ֆինանսական ռեսուրսները, այդ թվում՝ ստանալ վարկեր, փոխառություններ, դրամաշնորհներ, հանգանակություններ, ձեռք բերել գույքային և ոչ գույքային իրավունքներ, տիրապետել և տնօրինել դրանք և դրանցից ստացված եկամուտները:

10) օրենքով սահմանված կարգով ստանալ բանկային գաղտնիք կազմող և այլ տեղեկություններ, որոնք անհրաժեշտ են իր կանոնադրական նպատակներն իրականացնելու համար:

11) իրականացնել օրենքով չարգելված այլ գործունեություն:

3.2. Հիմնադրամը, Հայաստանի Հանրապետության օրենսդրությանը և իր կանոնադրությանը համապատասխան, կարող է անդամակցել միջազգային և օտարերկրյա ոչ պետական կազմակերպություններին:

3.3. Հիմնադրամի հիմնադիրները կարող են իրենց որոշմամբ փոփոխություններ մտցնել հիմնադրամի կանոնադրության մեջ: Հիմնադրամի հոգաբարձուների խորհուրդը կարող է անդամների ընդհանուր թվի ծայերի մեծամասնությամբ ընդունված որոշմամբ փոփոխություններ մտցնել հիմնադրամի կանոնադրության մեջ: Կանոնադրության այդ փոփոխությունները չեն կարող վերաբերել հիմնադրամի նպատակներին կամ շահառուներին:

Եթե կանոնադրության փոփոխությունները պետք է վերաբերվեն հիմնադրամի նպատակներին կամ շահառուներին, ապա փոփոխությունները կատարելու իրավունքն իրականացնում է դատարանը հիմնադրամի մարմինների կամ հիմնադիրների կամ օրենքի համաձայն ստեղծված հոգաբարձուների ժամանակավոր խորհրդի դիմումի հիման վրա:

3.4. Հիմնադրամը պարտավոր է՝

1) գործել Հայաստանի Հանրապետության Սահմանադրությանը, օրենքին և այլ օրենքներին ու իրավական ակտերին, ինչպես նաև սույն կանոնադրությանը համապատասխան:

2) օրենքով սահմանված կարգով վարել գործավարություն՝ և հաշվապահական հաշվառում:

3) օրենքով նախատեսված դեպքերում և կարգով տեղեկատվություն ու հաշվետվություններ ներկայացնել պետական մարմիններ:

4) իրականացնել օրենքով և այլ օրենքներով սահմանված այլ պարտականություններ:

3.5. Սույն կանոնադրության 5.2 կետի «ա» և «բ» ենթակետերով նախատեսված անձանց, ինչպես նաև իրավասու պետական մարմինների պահանջով Հիմնադրամը պարտավոր է հնգօրյա ժամկետում նրանց ընձեռել կանոնադրության, կանոնադրության լրացումների և փոփոխությունների հետ ծանոթանալու հնարավորություն: Հիմնադրամը պարտավոր է այդ անձանց պահանջով տրամադրել նրան կանոնադրության պատճենը: Վճարը, որը զանձվում է կանոնադրության պատճենը տրամադրելու համար, չի կարող դրա պատրաստման ծախսերից ավելի մեծ լինել: Օրենքով լիազորված իրավասու պետական մարմիններին նշված փաստաթղթերը տրամադրվում են անվճար:

3.6. Անօրինական գործունեություն ծավալելու համար Հիմնադրամը և նրա պաշտոնատար անձինք կրում են օրենքով սահմանված պատասխանատվություն:

3.7. Հիմնադրամը վարում է իր գործունեությանը աջակցող անձանց ռեեստր:

3.8. Հիմնադրամին աջակցող անձինք պարտավոր են.

ա) չտարածել Հիմնադրամի գործունեության մասին գաղտնի տեղեկություններ:

բ) զերծ մնալ այնպիսի գործողություններից, որոնք կարող են վնաս պատճառել Հիմնադրամին:

4. ՀԻՄՆԱԴՐԱՄԻ ՄԱՐՄԻՆՆԵՐԸ

4.1. Հիմնադրամի կառավարման մարմիններն են՝

- Հիմնադրամի հոգաբարձուների խորհուրդը (այսուհետ՝ խորհուրդ):

- Հիմնադրամի տնօրենը (այսուհետ՝ տնօրեն):

4.2. Հիմնադրամի կառավարման բարձրագույն և հսկողություն իրականացնող մարմինը Հիմնադրամի հոգաբարձուների խորհուրդն է: Հիմնադրամի խորհուրդը բաղկացած է 31 (երեսունմեկ) անդամներից:

Խորհրդի առաջին կազմի անդամների լիազորությունները սկսվում են հիմնադրամի պետական գրանցումից հետո եռամսյա ժամկետը լրանալու հաջորդող օրվանից, իսկ եթե նշանակվել են խորհրդի բոլոր անդամները, ապա դրա հաջորդող օրվանից:

Հիմնադրամի խորհրդի անդամ կարող են լինել 18 տարին լրացած գործունակ ֆիզիկական անձինք, այդ թվում՝ հիմնադիրները:

Հիմնադրամի խորհրդի անդամների համար լիազորությունների ժամկետը չի սահմանափակվում:

Հիմնադրամի խորհրդի անդամները չեն կարող լինել հիմնադրամի այլ մարմնի անդամ:

4.3. Հիմնադրամի խորհրդի անդամներն իրավունք ունեն՝

1) առաջարկություններ ներկայացնելու հիմնադրամի խորհրդի նիստերի օրակարգի և քննարկվող հարցերի վերաբերյալ.

2) նախապատրաստելու և խորհրդի քննարկմանը ներկայացնելու հարցեր, առաջարկություններ և որոշումների նախագծեր.

3) ստանալու տեղեկություններ հիմնադրամի գործունեությանը վերաբերող ցանկացած հարցի վերաբերյալ.

4) ստանալու իր պարտականությունների կատարմամբ պայմանավորված ծախսերի փոխհատուցում:

Հոգաբարձուների խորհրդի անդամները պարտավոր են՝

1. Մասնակցել հիմնադրամի խորհրդի նիստերին.

2. Իրենց պարտականությունների կատարման ընթացքում գործել՝ ելնելով հիմնադրամի շահերից:

4.4. Խորհրդի անդամի լիազորությունը դադարում է.

1) Հիմնադրամի խորհրդի նախագահին տրված գրավոր դիմումի հիման վրա.

2) նրա կողմից իր պարտականությունները պատշաճ չկատարելու դեպքում խորհրդի մնացած անդամների ձայների առնվազն 3/4-ով.

3) եթե դադարել են խորհրդի անդամների ընդհանուր թվի կեսի կամ կեսից ավելիի լիազորությունները.

4) դատարանի օրինական ուժի մեջ մտած վճռով անգործունակ ճանաչվելու դեպքում.

5) նրա մահվան դեպքում:

4.5. Հիմնադրամի հոգաբարձուների խորհուրդը կազմավորվում է սույն կանոնադրությամբ սահմանված հետևյալ կարգով.

Հիմնադրամի պետական գրանցումից հետո եռամսյա ժամկետում հիմնադրամի հիմնադիրների միաձայն որոշմամբ կազմավորվում է 31 (երեսունմեկ) անդամից բաղկացած հոգաբարձուների խորհուրդ:

Խորհրդի անդամի լիազորությունները դադարելու դեպքում նրա փոխարեն նոր անդամ նշանակվում է Հիմնադրամի խորհրդի նիստի որոշմամբ, Խորհրդի անդամների ընդհանուր թվի ձայների մեծամասնությամբ, ոչ ուշ, քան խորհրդի անդամի թափուր տեղ առաջանալու մասին հիմնադրամի տնօրենի ծանուցումն ստանալու օրվանից հետո՝ 30 օրվա ընթացքում:

Եթե խորհրդի բոլոր անդամների լիազորությունների դադարման դեպքում երկամսյա ժամկետում խորհրդի անդամների կեսից ավելին չի նշանակվում, ապա ՀՀ արդարադատության նախարարը երկամսյա ժամկետում նշանակում է երեք անդամից կազմված ժամանակավոր խորհուրդ:

Ժամանակավոր խորհուրդը պարտավոր է քայլեր ձեռնարկել օրենքով սահմանված կարգով խորհրդի կազմի համալրման համար:

Խորհուրդն իրավասու է՝

1) իրականացնելու հիմնադրամի գործունեությունը շարունակելուն ուղղված՝ օրենքով խորհրդին վերապահված լիազորություններ,

2) դիմելու դատարան հիմնադրամը լուծարելու համար:

Եթե ժամանակավոր խորհուրդ նշանակելուց հետո՝ վեցամսյա ժամկետում խորհրդի անդամների կեսից ավելին չի նշանակվում, ապա ժամանակավոր խորհուրդը պարտավոր է դիմել դատարան հիմնադրամը լուծարելու համար:

4.6. Հիմնադրամի խորհրդի իրավասությանն են պատկանում՝

- 1) հիմնադրամի ռազմավարական ծրագրի (ծրագրերի) հաստատումը.
- 2) հիմնադրամի կողմից իրականացվող (այդ թվում՝ անձամբ) ձեռնարկատիրական գործունեության տեսակների սահմանումը.
- 3) հիմնադրամի բյուջեի և նրա փոփոխությունների, տարեկան ֆինանսական հաշվետվությունների և հիմնադրամի գործունեության տարեկան հաշվետվությունների հաստատումը.
- 4) հիմնադրամի գույքի տնօրինման կարգի հաստատումը.
- 5) հիմնադրամի լուծարման հարցով դատարան դիմելու և հիմնադրամի վերակազմակերպման մասին որոշումների ընդունումը.
- 6) հիմնադրամի լուծարման հանձնաժողովի (լուծարողի) նշանակումը, լուծարման կարգի ու ժամկետների սահմանումը, լուծարման միջանկյալ հաշվեկշռի հաստատումը, լուծարման հաշվեկշռի հաստատումը.
- 7) խորհրդի անդամների լիազորությունների վաղաժամկետ դադարեցման մասին որոշումների ընդունումը.
- 8) խորհրդի նախագահի, տնօրենի ընտրության և նրանց լիազորությունների վաղաժամկետ դադարման մասին որոշումների ընդունումը.
- 9) հիմնադրամի կանոնադրության մեջ փոփոխություններ և լրացումներ կատարելու, կանոնադրության փոփոխություն, նոր խմբագրությամբ կանոնադրություն հաստատելու մասին որոշումների ընդունումը.
- 10) տնտեսական ընկերությունների ստեղծման կամ դրանցում մասնակցության, ինչպես նաև առանձնացված ստորաբաժանումների և հիմնարկների ստեղծման և դրանց կանոնադրությունների հաստատման մասին որոշումների ընդունումը.
- 11) հիմնադրամի ֆինանսատնտեսական գործունեության վերահսկումը.
- 12) կանոնադրությամբ սահմանված պարբերականությամբ տարին մեկ անգամ հիմնադրամի տնօրենի հաշվետվությունների լսումը.
- 13) իր որոշումների կատարման ընթացքի վերահսկումը.
- 14) հիմնադրամի աուդիտ իրականացնող անձի (աուդիտորի) ընտրությունը.
- 15) հիմնադրամի վարչակազմակերպական կառուցվածքի հաստատումը.
- 16) հիմնադրամի հաստիքացուցակի հաստատումը.
- 17) օրենքով, սույն կանոնադրությամբ նախատեսված, ինչպես նաև հիմնադրամի այլ մարմիններին չվերապահված այլ լիազորությունների իրականացումը:

4.7. Խորհուրդն իր գործունեությունը իրականացնում է նիստերի միջոցով:

Հիմնադրամի խորհրդի նիստերում խորհրդի յուրաքանչյուր անդամ ունի մեկ ձայնի իրավունք:

Հիմնադրամի խորհրդի նիստն իրավագոր է, եթե դրան մասնակցում են խորհրդի անդամների կեսից ավելին: Հիմնադրամի խորհրդի որոշումներն ընդունվում են նիստին մասնակցող անդամների ձայների մեծամասնությամբ:

Հիմնադրամի խորհրդի նախագահի, Հիմնադրամի տնօրենի ընտրության և պաշտոնից ազատման, ինչպես նաև Հիմնադրամի անվանման փոփոխության, լուծարման և կանոնադրության փոփոխության կամ նոր խմբագրությամբ կանոնադրության հաստատման մասին որոշումներն ընդունվում են խորհրդի անդամների ընդհանուր թվի ձայների մեծամասնությամբ:

Հիմնադրամը կարող է վերակազմակերպվել այլ հիմնադրամի հետ միացման կամ միաձուլման ճանապարհով:

Հիմնադրամի վերականգնակերպման մասին որոշումն ընդունվում է հիմնադրամի խորհրդի կողմից խորհրդի անդամների ընդհանուր թվի ձայների որակյալ (2/3) մեծամասնությամբ:

Եթե Հիմնադրամի խորհրդի նիստում քննարկվում է Հիմնադրամի խորհրդի որևէ անդամի կամ նրա հետ փոխկապակցված անձի (ծնող, ամուսին, զավակ, եղբայր, քույր, ամուսնու ծնող, զավակ, եղբայր և քույր) գույքային կամ այլ շահերի վերաբերյալ հարց, ապա Հիմնադրամի խորհրդի տվյալ անդամը քվեարկությանը չի մասնակցում:

4.8. Հիմնադրամի խորհրդի նախագահին ընտրում են խորհրդի անդամները՝ օրենքով և սույն կանոնադրությամբ սահմանված կարգով:

Հիմնադրամի խորհուրդը կարող է ցանկացած ժամանակ վերընտրել նախագահին կամ ընտրել նոր նախագահ՝ իր անդամների ընդհանուր թվի ձայների մեծամասնությամբ:

Խորհրդի նախագահը՝

- 1) կազմակերպում է խորհրդի աշխատանքները, անհրաժեշտության դեպքում կարող է կազմավորել խորհրդի ժամանակավոր հանձնախմբեր, սույն կանոնադրության 4.6 կետի 11-րդ ենթակետով նախատեսված հիմնադրամի ֆինանսատնտեսական գործունեության վերահսկման և 3, 4, 9, 10, ենթակետերով նախատեսված հարցերի նախնական քննարկման և դրանց վերաբերյալ խորհրդի եզրակացություններ (տեղեկանքներ) ներկայացնելու համար.
- 2) գումարում է Հիմնադրամի խորհրդի նիստերը և նախագահում է դրանք.
- 3) կազմակերպում է նիստերի արձանագրության վարումը.
- 4) խորհրդի քննարկմանն է ներկայացնում խորհրդի անդամների լիազորությունների դադարեցման մասին որոշման նախագիծ սույն կանոնադրության 4.4 կետի 2-րդ ենթակետով նախատեսված դեպքերում:

Հիմնադրամի խորհրդի նախագահի բացակայության դեպքում նրա պարտականությունները, Հիմնադրամի խորհրդի որոշմամբ, կատարում է անդամներից մեկը:

4.9. Հիմնադրամի խորհրդի նիստերը գումարվում են ոչ պակաս, քան տարին մեկ անգամ՝ Հիմնադրամի խորհրդի նախագահի կողմից: Հիմնադրամի խորհրդի նիստերը կարող են հրավիրվել նաև Հիմնադրամի խորհրդի անդամների 1/3-ի պահանջով՝ Հիմնադրամի խորհրդի նախագահի կողմից համապատասխան պահանջը ներկայացնելուց 30 օրվա ընթացքում: Հիմնադրամի խորհրդի նիստերը կարող են անցկացվել էլեկտրոնային փոստի կամ կապի այլ միջոցների կիրառմամբ, ինչպես նաև հարցման կարգով:

Եթե նշված ժամկետում Հիմնադրամի խորհրդի նախագահը նիստ չի հրավիրում, ապա նիստը կարող են հրավիրել նման պահանջ ներկայացրած անձինք:

4.10. Հիմնադրամի ընթացիկ գործունեության ղեկավարումն իրականացնում է հիմնադրամի տնօրենը:

Հիմնադրամի տնօրենի իրավասությանն են պատկանում հիմնադրամի ընթացիկ գործունեության կառավարման բոլոր հարցերը:

Հիմնադրամի տնօրենը կազմակերպում է Հիմնադրամի խորհրդի որոշումների կատարումը:

Տնօրենը ընտրվում և պաշտոնից ազատվում է Հիմնադրամի խորհրդի կողմից: Տնօրենի պաշտոնում առաջին անգամ նշանակվում են կատարում հիմնադիրները:

Հիմնադրամի տնօրենի իրավունքներն ու պարտականությունները սահմանվում են օրենքով, սույն կանոնադրությամբ և նրա հետ կնքված պայմանագրով: Հիմնադրամի անունից պայմանագիրը ստորագրում է Հիմնադրամի խորհրդի նախագահը կամ Հիմնադրամի խորհրդի կողմից լիազորված այլ անձ:

Հիմնադրամի տնօրենը՝

- 1) տնօրինում է Հիմնադրամի գույքը, այդ թվում՝ ֆինանսական միջոցները, գործարքներ է կնքում հիմնադրամի անունից.
- 2) ներկայացնում է Հիմնադրամը Հայաստանի Հանրապետությունում և օտարերկրյա պետություններում.

- 3) գործում է առանց լիազորագրի.
 - 4) տալիս է լիազորագրեր.
 - 5) սահմանված կարգով կնքում է պայմանագրեր, այդ թվում՝ աշխատանքային.
 - 6) բանկերում բացում է Հիմնադրամի հաշվարկային (այդ թվում՝ արտարժութային) և այլ հաշիվներ.
 - 7) Հիմնադրամի խորհրդի հաստատմանն է ներկայացնում Հիմնադրամի աշխատանքային ներքին կանոնակարգը, առանձնացված ստորաբաժանումների, հիմնարկների ու Հիմնադրամի կողմից հիմնադրվող տնտեսական ընկերությունների կանոնադրությունները, Հիմնադրամի վարչակազմակերպական կառուցվածքը, հաստիքացուցակը.
 - 8) իր իրավասության սահմաններում արձակում է հրամաններ, հրահանգներ, տալիս է կատարման համար պարտադիր ցուցումներ և վերահսկում դրանց կատարումը.
 - 9) սահմանված կարգով աշխատանքի է ընդունում և աշխատանքից ազատում հիմնադրամի աշխատակիցներին, այդ թվում առանձնացված ստորաբաժանումների, հիմնարկների ղեկավարներին ու աշխատողներին.
 - 10) աշխատակիցների նկատմամբ կիրառում է խրախուսման և կարգապահական պատասխանատվության միջոցներ:
- Հիմնադրամի տնօրենը այլ կազմակերպություններում կարող է վճարովի պաշտոններ զբաղեցնել միայն Հիմնադրամի խորհրդի համաձայնությամբ:
- Հիմնադրամի խորհուրդն իրավունք ունի ցանկացած ժամանակ լուծել տնօրենի հետ կնքված պայմանագիրը՝ օրենքով, սույն կանոնադրությամբ և տվյալ պայմանագրով սահմանված կարգով:
- 4.11. Հիմնադրամը օրենքով և այլ իրավական ակտերով սահմանված կարգով վարում և ներկայացնում է հաշվապահական և վիճակագրական հաշվետվություն:
- 4.12. Հիմնադրամը պետական, սոցիալական, տնտեսական և հարկային քաղաքականության իրականացման նպատակով պատասխանատվություն է կրում փաստաթղթերի (կառավարչական, ֆինանսատնտեսական, աշխատակազմի մասին և այլն) պահպանման համար: Հիմնադրամը օրենքով սահմանված կարգով ապահովում է անհրաժեշտ փաստաթղթերի հանձնումը պետական արխիվային մարմիններին:

5. ՀԻՄՆԱԴՐԱՄԻ ԳՈՒՅՔԸ

- 5.1. Հիմնադրամը՝ որպես սեփականություն, ունի առանձնացված գույք և իր պարտավորությունների համար պատասխանատու է այդ գույքով:
- 5.2. Հիմնադրամի գույքի ձևավորման աղբյուր կարող են լինել՝
- ա) հիմնադիրների ներդրումները.
 - բ) ֆիզիկական և իրավաբանական անձանց նվիրատվությունները և նվիրաբերությունները, այդ թվում՝ օտարերկրյա քաղաքացիների, իրավաբանական անձանց, միջազգային կազմակերպությունների նվիրատվությունները և նվիրաբերությունները.
 - գ) դրամական մուտքերը պետական բյուջեից.
 - դ) դրամաշնորհները.
 - ե) հիմնադրամի և իր ստեղծած կամ իր մասնակցությամբ տնտեսական ընկերությունների ձեռնարկատիրական գործունեությունից ստացված միջոցները.
 - զ) հանգանակությունները՝ միջոցներ, որոնք ստացվում են դրանց կուտակմանն ուղղված գործունեությունից (մշակութային, սպորտային, զվարճալի և այլ միջոցառումների միջոցով գումարների հայթայթում),
 - է) օրենքով չարգելված այլ միջոցները:

6. ՀԻՄՆԱԴՐԱՄԻ ԼՈՒԾԱՐՄԱՆ ԿԱՐԳԸ

6.1. Լուծարումը Հիմնադրամի գործունեության դադարումն է՝ առանց նրա իրավունքների և պարտականությունների իրավահաջորդության կարգով այլ անձանց անցնելու:

6.2. Հիմնադրամը լուծարելու մասին որոշում կարող է ընդունել միայն դատարանը՝ շահագրգիռ անձանց դիմումով:

Հիմնադրամը կարող է լուծարվել եթե՝

- ա) Հիմնադրամի գույքը բավարար չէ նրա գործունեության իրականացման համար և անհրաժեշտ գույք ստանալու հնարավորությունն իրական չէ.
- բ) իր գործունեությամբ Հիմնադրամը շեղվել է կանոնադրությամբ նախատեսված նպատակներից.
- գ) հնարավոր չէ հասնել Հիմնադրամի նպատակներին և հնարավոր չէ կատարել այդ նպատակների փոփոխություններ.
- դ) Հիմնադրամի գործունեությունը վտանգում է պետական և հասարակական անվտանգությունը, հասարակական կարգը, հանրության առողջությունն ու բարքերը, այլոց իրավունքներն ու ազատությունները.
- ե) Հիմնադրամը թույլ է տվել օրենքի բազմակի կամ կոպիտ խախտումներ կամ պարբերաբար իրականացրել է իր կանոնադրական նպատակներին հակասող գործունեություն.
- զ) Հիմնադրամն ստեղծելիս հիմնադիրները թույլ են տվել օրենքի էական խախտումներ կամ կեղծիքներ:

6.3. Դատարանի կողմից հիմնադրամի լուծարման մասին որոշում ընդունելուց հետո հիմնադրամի խորհուրդը նշանակում է լուծարման հանձնաժողով (լուծարող) և ՀՀ քաղաքացիական օրենսգրքի և օրենքի համաձայն սահմանում է լուծարման կարգը և ժամկետները:

6.4. Լուծարման հանձնաժողովի նշանակման պահից նրան են անցնում հիմնադրամի գործերի կառավարման լիազորությունները: Լուծարվող հիմնադրամի անունից դատարանում հանդես է գալիս լուծարման հանձնաժողովը:

6.5. Լուծարման գործընթացում գտնվելու մասին տեղեկությունները (լուծարման գործընթացի սկիզբը և ավարտը, լուծարման հանձնաժողովի կազմը) գրառվում են իրավաբանական անձանց պետական գրանցամատյանում լուծարման հանձնաժողովի դիմումի հիման վրա:

6.6. Լուծարման հանձնաժողովը <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում հայտարարություն է զետեղում հիմնադրամի լուծարման և պարտատերերի պահանջների ներկայացման կարգի ու ժամկետի մասին: Այդ ժամկետը չի կարող պակաս լինել երկու ամսից, սկսած լուծարման մասին հրապարակման պահից, որը համարվում է հիմնադրամի լուծարման գործընթացի սկիզբ:

6.7. Լուծարման հանձնաժողովն իրականացնում է գույքի վերազնահատումը, միջոցներ է ձեռնարկում պարտատերերի հայտնաբերման և դեբիտորական պարտքերի ստացման ուղղությամբ, ինչպես նաև տեղեկացնում է պարտատերերին հիմնադրամի լուծարման մասին:

6.8. Պարտատերերի կողմից պահանջներ ներկայացնելու ժամկետն ավարտվելուց հետո լուծարման հանձնաժողովը կազմում է միջանկյալ լուծարման հաշվեկշիռ, որը տեղեկություններ է պարունակում լուծարվող հիմնադրամի գույքի կազմի, պարտատերերի ներկայացրած պահանջների ցանկի, ինչպես նաև պահանջների քննարկման արդյունքների մասին:

Միջանկյալ լուծարման հաշվեկշիռը հաստատում է հիմնադրամի խորհուրդը:

6.9. Հիմնադրամի լուծարմամբ պայմանավորված պարտատերերի պահանջները բավարարելուց հետո, ինչպես նաև այն դեպքում, երբ լուծարման միջանկյալ հաշվեկշիռը հաստատելու պահին Հիմնադրամը չունի պարտավորություններ պարտատերերի

նկատմամբ, Հիմնադրամի մնացած գույքն ուղղվում է սույն կանոնադրությամբ նախատեսված նպատակներին, իսկ դրա անհնարինության դեպքում փոխանցվում է պետական բյուջե:

6.10. Հիմնադրամի գույքի ամբողջական բաշխումն իրականացնելուց հետո լուծարման հանձնաժողովը կազմում է լուծարման հաշվեկշիռ և ներկայացնում է հիմնադրամի խորհրդի հաստատմանը: Լուծարման հանձնաժողովը հիմնադրամի խորհրդի հաստատված լուծարման հաշվեկշիռը ներկայացնում է դատարանի հաստատմանը:

6.11. Հիմնադրամի լուծարումը համարվում է ավարտված, իսկ նրա գործունեությունը դադարած՝ պետական գրանցման պահից:

ՀԱՅԱՍՏԱՆ



ՅԱՐԱԿԵՐԻՍ ՀԱՅԱՍՏԱՆԻ
ՏՐԱՆՍԴԱԿՏԱՆԻ ՎԵՐԱԿԱՆԱԾՈՒՄԸ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԵՐԱԿԱՆԱԾՈՒՄԸ



Իրավաբանական անձի պետական գրանցման

ՎԿԱՅԱԿԱՆ N 03Ա987674

«ՍԻԻ ՕՅ ՍՄԱՅԼ» ԲԱՐԵԳՈՐԾԱԿԱՆ ՀԻՄՆԱԴՐԱՄ

Գրանցված է Պետական ռեգիստրի
պետության մարմնի կողմից

Գրանցման համարը 222.160.837674

Գրանցման ամսաթիվը 2014-12-03

Իրավաբանական անձի ծածկագիր(կոդ) 49250961

Հարկ վճարողի հաշվառման համար 00464744

Ապահովարի ծածկագիր 167674

Իրավաբանական անձի տեսակը ոչ առևտրային

Գործունեության ժամկետը անժամկետ

ՊԵՏԱԿԱՆ ՌԵԳԻՍՏՐ

(ստորագրություն)

23.12.2014 թ.

Վկայական ուժի մեջ է մտնում սերտիզի ինտ փախիս



ՆԵՐՈՒԻՐ 001

Իրավաբանական անձի պետական գրանցման
N 03Ա987674 վկայականի

ԲԱՐԵԳՈՐԾԱԿԱՆ

ՀԻՄՆԱԴՐԱՄ —

Գտնվելու վայրը ՄՈՒՐԱՑԱՆ / Է / 114 ԷՐԵՐՈՒՆԻ 0075

ԵՐԵՎԱՆ ՀԱՅԱՍՏԱՆ —

Իրավաբանական անձի գործարկի մարմնի ղեկավար, Տնօրենի
Ժամանակավոր պաշտոնակատար՝ ԼԻՆԻԲ ՍԱՐԳՍՅԱՆ

ՌԱԴԻՎԻ —

ամսնագիր AM0299554, տիվ: 2011-05-13, 006 կողմից,
հասցե՝ ՍԱՅԱԲ-ՆՈՎԱ ՔՂՆ / Է / 1/4 / 27 ԱՎԱՆ 0060

ԵՐԵՎԱՆ ՀԱՅԱՍՏԱՆ —

Այլ տեղեկություններ

ՊԵՏԱԿԱՆ ՌԵԳԻՍՏՐ

(ստորագրություն)

23.12.2014 թ.

Ներդրող ղեկավարի վկայականի հետ փախիս



Ո Ր Ո Շ ՈՒ Մ

«ՍԻԹԻ ՕՖ ՍՄԱՅԼ» ԲԱՐԵԳՈՐԾԱԿԱՆ ՀԻՄՆԱԴՐԱՄԻ ՍՏԵՂԾՄԱՆ ՄԱՍԻՆ

(Կազմված է 30.10.2014թ. և բաղկացած է 2 թերթից)

30.10.2014թ.

ք. Երևան

Սամվել Դանելյանը (ՀՀ քաղաքացի, անձնագիր AK 0540099, տրվել է 25.06.2010թ., 010-ի կողմից, հաշվառման հասցեն՝ ՀՀ, ք. Երևան, Նորք-Մարաշ, Նորքի 9-րդ փողոց, տուն 18).

Դավիթ Պետրոսի Զոհրաբյանը (ՀՀ քաղաքացի, անձնագիր AN 0439691, տրվել է 13.04.2013թ., 001-ի կողմից, հաշվառման հասցեն՝ ՀՀ, Լոռու մարզ, ք. Վանաձոր, Տերյան փողոց, շենք 4, բն. 32).

Պետրոս Նաիրիի Թամամյանը (ՀՀ քաղաքացի, անձնագիր BA 1040042, տրվել է 15.05.2014թ., 001-ի կողմից, հաշվառման հասցեն՝ ՀՀ, ք. Երևան, Սունդուկյան փողոց, շենք 27, բն. 11).

Արմեն Տիգրանի Ավագյանը (ՀՀ քաղաքացի, անձնագիր AE 0511633, տրվել է 12.04.2000թ., 005-ի կողմից, հաշվառման հասցեն՝ ՀՀ, ք. Երևան, Նորքի 9-րդ զանգված, շենք 22, բն. 30).

Լիանա Լեոնիդի Սաֆարյանը (ՀՀ քաղաքացի, անձնագիր AK 0364470, տրվել է 15.08.2009թ., 026-ի կողմից, հաշվառման հասցեն՝ ՀՀ, Արարատի մարզ, ք. Արարատ, Իսահակյան փողոց, շենք 22, բն. 6).

Լիլիթ Ռադիկի Սարգսյանը (ՀՀ քաղաքացի, անձնագիր AM 0299554, տրվել է 13.05.2011թ., 006-ի կողմից, հաշվառման հասցեն՝ ք. Երևան, Ավան, Սայաթ-Նովա փողոց, շենք 1/4, բն. 27).

Լուսինե Սլավիկի Հակոբյանը (ՀՀ քաղաքացի, անձնագիր AM 0880645, տրվել է 25.09.2012թ., 012-ի կողմից, հաշվառման հասցեն՝ ՀՀ, ք. Երևան, Բաշինջաղյան փողոց, շենք 182, բն. 19).

Աստղիկ Ալեքսեյի Ռսկանյանը (ՀՀ քաղաքացի, անձնագիր AM 0278814, տրվել է 27.04.2011թ., 005-ի կողմից, հաշվառման հասցեն՝ ՀՀ, ք. Երևան, Դ. Մալյան փողոց, շենք 2, բն. 23).



Լիլիթ Արմենի Հարությունյանը (ՀՀ քաղաքացի, նույնականացման քարտ 004877916, տրվել է 08.08.2014թ., 004-ի կողմից, սոցիալական քարտ թիվ 7911870357, հաշվառման հասցեն՝ ք. Երևան, Երզնկյան փողոց, շենք 4, բն. 38).

Լսելով յուրաքանչյուր հիմնադրի նկատառումները Հիմնադրամի կանոնադրության նախագծի վերաբերյալ, ղեկավարվելով ՀՀ Քաղաքացիական օրենսգրքի 123-124-րդ, «Հիմնադրամների մասին» Հայաստանի Հանրապետության օրենքի 10-րդ և 13-րդ հոդվածներով, միաձայն

Ո Ր Ո Շ Ե Ց Ի Ն

1. Հիմնադրման միջոցով ստեղծել «ՍԻԹ ՕՖ ՍՄԱՅԼ» բարեգործական հիմնադրամը (այսուհետև Հիմնադրամ):
2. Հաստատել Հիմնադրամի կանոնադրությունը:
3. Հիմնադրամի տնօրենի ժամանակավոր պաշտոնակատար նշանակել Լիլիթ Ռադիկի Սարգսյանին (ՀՀ քաղաքացի, անձնագիր AM 0299554, տրվ. 13.05.2011թ., 006-ի կողմից, հաշվառման հասցեն՝ ք. Երևան, Ավան, Սայաթ-Նովա փողոց, 1/4շ., բն. 27):
4. Հանձնարարել Հիմնադրամի տնօրենի ժամանակավոր պաշտոնակատար Լիլիթ Սարգսյանին Հիմնադրամի ստեղծման հետ կապված բոլոր անհրաժեշտ փաստաթղթերը ներկայացնել ՀՀ Իրավաբանական անձանց պետական ռեգիստրի գործակալություն օրենքով սահմանված կարգով գրանցելու համար:

Հիմնադիրներ՝

	Սամվել Դանեյան
	Դավիթ Զոհրաբյան
	Գևորգ Թամամյան
	Արմեն Ավագյան
	Լիանա Սաֆարյան
	Լիլիթ Սարգսյան
	Լուսինե Հակոբյան
	Աստղիկ Ոսկանյան
	Լիլիթ Հարությունյան